

**SPR: Anggota tentera, polis boleh undi awal di peti undi**  
**The Malaysian Insider**  
**19 Disember, 2011**  
**Oleh Yow Hong Chieh**

PUTRAJAYA, 19 Dis — Anggota tentera dan polis akan dibolehkan mengundi seperti pengundi-pengundi normal — tetapi lebih awal dan tidak akan dikategorikan sebagai pengundi pos, demikian diumumkan oleh Suruhanjaya Pilihan Raya (SPR) hari ini.

Pengerusi SPR Tan Sri Abdul Aziz Yusof (gambar) berkata, urusan pengundian itu akan diadakan beberapa hari lebih awal bagi memudahkan anggota tentera dan pasangan mereka, serta polis di kem masing-masing.

“Proses ini masih sama seperti pengundian menggunakan peti undi. Tiada sampul surat lagi.

“Ia akan diadakan dua atau tiga hari lebih awal agar mereka boleh pergi menjalankan tugas ketika hari pengundian,” katanya pada sidang media hari ini.

Bagaimanapun Aziz berkata, pengundian pos masih akan digunakan dalam situasi anggota pasukan keselamatan tidak boleh hadir mengundi awal.

“Bagi mereka yang tidak boleh mengundi awal, boleh memohon kepada pengurus pilihan raya untuk mengundi secara pos,” kata beliau sambil menjelaskan bahawa peraturan bagi pengundian pos masih kekal sama.

Sistem undi pos yang melibatkan anggota tentera dan polis seringkali dikritik oleh pembangkang atas alasan ia terdedah kepada salah guna.

Malah ada juga menggesa agar sistem itu dirombak agar hanya anggota polis dan tentera yang bertugas sahaja boleh mengundi secara pos.

The Malaysian Insider  
Hakcipta © 2011 The Malaysian Insider  
Source: <http://www.themalaysianinsider.com/bahasa/article/spr-anggota-tentera-polis-bole-h-undi-awal-di-peti-undi/>